


საქართველოს რესპუბლიკა

www.sakresp.ge



იმისთანა წმინდა საცემში, ბოგბინც ბეჭდუ-
რები სიფყვას, ცუდილებით და ჭბებით ბუტ-
თის გაცანა ყველა უჯანდისბზაჟ უსამბაგლესია.



პარასკევი, 6 ოქტომბერი. 2017 წ. №205 (8342), გამოცემის 99-ე წელი

ელ.ფოსტა: sakresp@mail.ru და sakresp@top.ge

ფასი 50 თეთრი.

საპარტიზმს წარმოუშობს ან უიეუილი ან ქაღიან დიდი სიბდიდრა!.. ③-⑧



პრეზიდენტისა და ოპოზიციის შეხვედრა კონკრეტული შეთანხმებით დასრულდა

პრეზიდენტის ადმინისტრაციის ინფორმაციით, საკონსტიტუციო ცვლილებებთან დაკავშირებით საქართველოს პრეზიდენტისა და 20-მდე ოპოზიციური პარტიის შეხვედრა კონკრეტული შეთანხმებით დასრულდა.

უმრავლესობის მომართვის საფუძველზე, პრეზიდენტი ვეტოში უცვლელად ასახავს უმრავლესობის წინადადებებს.

პრეზიდენტი ვეტოში გაიმეორებს ასევე, „ქართული ოცნების“ პოლიტიკური ხელმძღვანელების პოზიციას 2020 წელს პროპორციულ საარჩევნო სისტემაზე გადასვლასთან დაკავშირებით.

დაბოლოს, საკითხზე, რომელიც პრინციპულ წინააღმდეგობაშია ქართველი საზოგადოების პოზიციასთან, პრეზიდენტის არჩევნის წესის შეცვლასთან დაკავშირებით – ამ წინააღმდეგობის დაძლევის ვერსიად, პრეზიდენტი, ვენეციის კომისიის სულისკვეთების გაზიარებით, სთავაზობს უმრავლესობას, რომ პრეზიდენტის არჩევნის საკითხი მომავალში გადაწყვიტოს ორპალატიანმა პარლამენტმა.

როგორც შეხვედრაზე აღინიშნა, მნიშვნელოვანია, რომ წარმოდგენილი პოზიცია უზრუნველყოფილია პარლამენტში ოპოზიციის ხმებით, რაც განაპირობებს იმას, რომ „ქართული ოცნების“ პრინციპული პოზიციები გატარდება ცხოვრებაში და კონსტიტუცია აღარ იქნება ერთპარტიული დოკუმენტი. ამავე პოზიციას მხარს უჭერს არასაპარლამენტო ოპოზიციაც. ამ ყველაფრის ერთობლიობით, შესაძლებელი იქნება, ქართული დემოკრატია გადავიდეს პოლიტიკური დისკუსიის, კომპრომისის და კონსენსუსის მიღწევის ევროპულ სტანდარტზე.

თუ ყველაფერს სტრასბურგის სასამართლო გვინყვავს, ჩვენ ჩვენი სასამართლო რიტასთვის გვინდა?! ②



ქვეყანა გუკიკოს ქარნასით პერ ივლის... ④



არაღა, ღროა,
თუ უკვე
ღაგვიანებული
არ არის....

პებრა დიდი - ბებრატიონთა უთამოგაპალი? ⑥

ვინ იყვნენ პირველი
ქართველი დასავლეთ-
ევროპელები? ⑦

ბუზი სააკაშვილს კონფიდენსიალურად აფრთხილებდა, მაბრამ... ⑧



დიდი „ჯოსოსანი“ დიდიმ მირსხულაპა ⑨



თუ ყველაფერს სტრასბურგის სასამართლო გვინჯავს, ჩვენ ჩვენი სასამართლო რიგსთვის გვინდა?!



ვითომ ჩვენ სუვერენული სახელმწიფო ვართ? თანაც, კიდევ დამოუკიდებელი თავისუფალი, დემოკრატიული. კი, ბატონო, მაგრამ სინამდვილე მაინცდამაინც მთლად ასე არ გამოიყურება.

ამ ვითარების დასადასტურებლად მარტო ერთი „ცრუსთავი-2“-ის საქმეც კმარა... ქართული მართლმსაჯულება უბადრუკ, საცოდავ მდგომარეობაში აღმოჩნდა. როგორც საქალაქო და სააპელაციო სასამართლოებმა, ისე უზენაესმა ეს აშკარად ანტისახელმწიფოებრივი, ანტიეროვნული ტელეარხი თავის კანონიერ მფლობელს დაუბრუნეს.

მაგრამ რა ფასი აქვს ასეთ დაბრუნებას! აგერ უკვე თითქმის ექვსი თვეა, რაც სტრასბურგმა ვითომ სიმართლის დასადგენად დაბლოკა ეს საქმე და არც ჰო-ს ამბობს, არც არა-ს... ამასობაში, თვითნათლიობის პრინციპით, დაშინავე ნაციონალების ერთპარტიულმა, ყველაფერს მკადრებელმა პროპაგანდის-

ტულმა მანქანამ, ანუ „ცრუსთავი-2“-მა თავი ქვეყნის მთავარ არხად გამოიცხადა, ხოლო ამ „მთავარი არხის“ გენერალური დირექტორის მოადგილე, რომლის კანდიდატურაც ნაციონალებმა ჩვენი დედაქალაქის მერად წამოაყენეს, ყოველ წინასაარჩევნო შეხვედრაზე ხმაძალა გაჰყვიროს, ჩვენი „ცრუსთავი-2“ საბოლოოდ გადავარჩინეთო...

ამ დროს არც ხელისუფლების მხრიდან და არც თვითონ უზენაესი სასამართლოს მხრიდან ჩამიჩუმე არ ისმის. არადა, საზოგადოებრიობა გაურკვევლობაშია, ვერ გაუგია, რა ხდება. ნუთუ სიმართლეს ამბობენ სხვა დანარჩენი ოპოზიციური პარტიები, რომ „ოცნება“ გარიგებულია ნაციონალებთან, რაც დაუჯერებელია, მაგრამ, სამწუხაროდ, ბევრს სჯერა. ეს ამბავი კი ამ ბევრს წინასაარჩევნოდ „ოცნების“ წინააღმდეგ განაწყობს.

კი, ბატონო, ვიაროთ დასავლეთისკენ, ოღონდ ისე ნუ ვიზამთ, რომ ყველა ჩვენს პრობლემას დასავლეთი გვინყვეტდეს. კონსტიტუციაც კი უბუკიკოდ ვერ მიგვიღია.

უთუოდ სწორია პრემიერი, როდესაც ამბობს, უფრო თამამად ვილაპარაკოთ სიმართლეო. მაგრამ ეს მიმართვა უწინარესად თვითონ ხელისუფლებას ეკუთვნის. დღეს ისეთი პოლიტიკური ვითარებაა შექმნილი, რომ ხელისუფ-

ლება ასე ეპიზოდურად კი არა, უფრო ხშირად, თითქმის ყოველდღიურად უნდა ელაპარაკოს საზოგადოებას და მართო იმის იმედად არ უნდა იყოს, რომ სიკეთე თავისით სძლევს ბოროტებას. არადა, აშკარაა, რომ ბოროტი ძალები შეტევაზე არიან და მთელი 24 საათი მთელი დატვირთვით ამუშავებენ ამ ეგრეთ წოდებულ „მთავარ არხს“, რომელიც ყოველგვარი სიბინძურის მქადაგებელთა და ვილაჯ-ვილაჯებისგან მოსყიდული არასამთავრობოების თბილ ბუდედ იქცა, საიდანაც ნიაღვრად იღვრება მხოლოდ და მხოლოდ გესლი. უარყოფელი კი არავინ არა ჩანს.

ის კი არა, ამ „ცრუსთავი“, რომელიც

ვითომ უსახსრობას უჩივის, წინასაარჩევნოდ რამდენიმე მილიონად ამერიკული „ნათელმხილველები“ დაიჭირა. განა საკითხავია, ისინი ვის სასარგებლოდ „ინათელმხილველებენ“?!

ასე რომ, ვიშურე სააკაშვილის კარბა გვარსადაც მსხვილმა ნარჩენებმა, თანაც რამდენიმე ფრონტად გაშლილმა, სამკვდრო-სასიცოცხლოდ ხილული თუ უხილავი მომიტოვებდას ხელისუფლებას, რომელიც რატომღაც ოლიგარქი სიმშვილეს ინარჩუნებს, რაც, რომორც ცხოვრება გვინჯავს, ხშირად არადა არ მთავრდება კარგად.

გურამ ნიკლაური



გაპირდა: საქართველოდან ნარდგენილი მოსამართლეობის სამივე კანდიდატი კომიტეტმა მოიწონა



იუსტიციის სამინისტროს ინფორმაციით, სტრასბურგში საქართველოდან ნარდგენილი მოსამართლეობის სამივე კანდიდატი კომიტეტმა მოიწონა. უწყების ინფორმაციით, რეკომენდაცია გაენია ლადო ჭანტურისას, რომელიც კომიტეტში დამსწრე წევრების უმრავლესობამ მოიწონა.

„კომიტეტმა მოიწონა ქვეყნიდან გაგზავნილი „სამპირიანი“ სია. რეკომენდაცია გაენია ბატონ ლადო ჭანტურისას. ამით მეორე ეტაპი დასრულდა და მესამე ეტაპს ვინცეფთ, რომელიც მომავალ კვირებში გაიმართება,“ – თქვა თეა წულუკიანიმა.

ბატონი, მაგრამ სინამდვილე მაინცდამაინც მთლად ასე არ გამოიყურება.

გერმანიის თავდაცვის მინისტრი საქართველოში

საქართველოს პირველად ოფიციალური ვიზიტით გერმანიის ფედერაციული რესპუბლიკის თავდაცვის მინისტრი სტუმრობდა. ურსულა ფონ დერ ლაიენს საქართველოს თავდაცვის მინისტრი ლევან იზორია მასპინძლობდა.

საქართველოსა და გერმანიის სახელმწიფო ჰიმნების ფონზე დახვედრის ოფიციალური ცერემონიის შემდეგ, ვიზიტი მინისტრების შეხვედრით გაგრძელდა. ლევან იზორიამ კოლეგას გერმანიის პოლიტიკური და პრაქტიკული მხარდაჭერისთვის მადლობა გადაუხადა.



მხარეებმა ორ ქვეყანას შორის თავდაცვის სფეროში არსებული თანამშრომლობის და სამომავლო პერსპექტივების საკითხები განიხილეს. მინისტრებმა ავღანეთში მიმდინარე „მტკიცე მხარდაჭერის“ მისიაში ერთობლივ მონაწილეობაზეც გაამახვილეს ყურადღება. ლევან იზორიას განცხადებით, საქართველო მშვიდობისა და სტაბილურობის განმტკიცების თვალსაზრისით, საერთაშორისო თანამეგობრობის აქტიურ მხარდაჭერას განაგრძობს.

საქართველოს თავდაცვის მინისტრმა გერმანელ კოლეგას ინფორმაცია საქართველოს თავდაცვის მზადყოფნის პროგრამის (GDRP) შესახებაც მიანოდა, რომლის განხორციელებასაც ქართული მხარე აშშ-სთან ერთად 2018 წლიდან იწყებს. საუბარი ნატო-საქართველოს არსებითი პაკეტის (SNGP) იმპლემენტაციის კუთხით გერმანული მხარის მიერ განუღებულ დახმარებასაც შეეხო. საქართველოში ერთდღიანი ვიზიტის ფარგლებში ურსულა ფონ დერ ლაიენი ესტუმრა თავდაცვის ინსტიტუციური აღმშენებლობის სკოლას (DIB), რომელიც ნატო-საქართველოს არსებითი პაკეტის ფარგლებში გერმანული მხარის დახმარებით ჩამოყალიბდა.

ალექსეი ელისაშვილი ნამდვილად არ არის ჩემი მთავარი კონკურენტი!

„ძარბაზის ოცნების“ თბილისის მერობის კანდიდატი კახა კალაძე თბილისის მერობის დამოუკიდებელი კანდიდატის ალექსეი ელისაშვილის უკუენ მეორე გამოწვევას, დებატებში მონაწილეობასთან დაკავშირებით, გამოეხმაურა და განაცხადა, რომ ელისაშვილი მისი მთავარი კონკურენტი არ არის:



„ჩვენ დებატებში ვმონაწილეობთ, ამის პრობლემა „ქართულ ოცნებას“ არ გააჩნია, ამის პრობლემა კახა კალაძეს არ გააჩნია. ალექსეი ელისაშვილი ნამდვილად არ არის ჩემი მთავარი კონკურენტი – ჩემი მთავარი კონკურენტი ის პრობლემაა, ის ტკივილი და წუხილი, რომელიც დღეს ქალაქს აწუხებს. მე მოვდივარ იმისთვის, რომ ვმართო ქალაქი და როგორც ნორმალურ, ცივილიზებულ ქვეყნებში ხდება – დებატები ეწეება თუ სხვა მიმართულება, ჩვენ ყოველთვის მზად ვართ მივიღოთ მონაწილეობა“, – განაცხადა კახა კალაძემ. ალექსეი ელისაშვილმა კახა კალაძე ტელედებატებში კიდევ ერთხელ გამოიწვია და განაცხადა, რომ კალაძე თუ დათანხმდება ტელედებატებს, ის მზად არის ამის შემდეგ მას ნებისმიერ სტადიონზე ფეხბურთიც ეთამაშოს.

კანადა საქართველოს მტკიცე პოლიტიკური მხარდაჭერია!

საქართველოს ვიცე-პრემიერი, საგარეო საქმეთა მინისტრი მიხეილ ჯანელიძე საქართველოში კანადის საელჩოს მიერ ორგანიზებულ მიღებას დაესწრო, რომელიც საქართველოსა და კანადას შორის დიპლომატიური ურთიერთობების დამყარების 25 წლის იუბილის და კანადის კონფედერაციის შექმნის 150 წლის იუბილეს მიეძღვნა.

მიღებაზე დამსწრე საზოგადოებას მისასალმებელი სიტყვით მიმართეს საგარეო საქმეთა მინისტრმა მი-



ხეილ ჯანელიძემ, საქართველოში კანადის ელჩმა კრისტოფერ კუტერმა (რეზიდენციით ქ. ანკარა) და ევროკავშირისა და ევროპაში კანადის სპეციალურმა წარმომადგენელმა სტეფან დიონმა. საგარეო უწყების ხელმძღვანელმა ვრცლად ისაუბრა საქართველოსა და კანადას შორის არსებულ მეგობრულ და პარტნიორულ ურთიერთობებზე, მინისტრმა საზი გაუსვა ორ ქვეყანას შორის თავდაცვისა და უსაფრთხოების სფეროში მჭიდრო თანამშრომლობას.

„დღეისათვის ჩვენ ვსარგებლობთ კანადის მტკიცე პოლიტიკური მხარდაჭერითა და გამორჩეული თანამშრომლობით თავდაცვისა და უსაფრთხოების, ასევე დემოკრატიული და ინსტიტუციური განვითარების მიმართულებით. ამავდროულად, მიგვაჩნია, რომ არსებობს უაღრესად დიდი პოტენციალი ჩვენ ქვეყნებს შორის ეკონომიკური და სავაჭრო ურთიერთობების გასაძლიერებლად“, – განაცხადა მიხეილ ჯანელიძემ.

პროკაშვილი ნაპრად მხოლოდ უსაბუთო პიარებს!

მკომუნიკაციას და ფინანსების საკითხებში ევროკომისარი პიერ მოსკოვისი აცხადებს, რომ ევროკავშირი წვერად მხოლოდ ესპანეთს აღიარებს და თუ კატალონია დამოუკიდებელი გახდება, ის ვერ მიიღებს წევრობას ევროკავშირში. მისივე თქმით, კატალონიის დამოუკიდებლობა პოლიტიკური ფანტასტიკის სფეროს ეკუთვნის.

„წარმოვიდგინოთ, რომ კატალონიამ დამოუკიდებლობა მიიღო, ამ მომენტიდან დამოუკიდებელი კატალონია არ იქნება ევროკავშირის წევრი. ევროკავშირი მხოლოდ ერთ წევრ ქვეყანას იცნობს, ეს ესპანეთია“, – განაცხადა პიერ მოსკოვისიმ.

© წყალბურთი

„დინამოს“ ჩინესანსი

თბილისის „დინამოს“ წყალბურთელ ვაჟთა გუნდი 1938 წელს შეიქმნა. მას შემდეგ არაერთ საკავშირო თუ საერთაშორისო ტურნირში გამოიჩინა თავი...

შიც მოხვდები. ჩემი და შემდეგი თაობის წყალბურთელებისთვის თბილისის „დინამო“ ოცნების გუნდი იყო და იქ მოხვედრას უდიდეს ბედნიერებად მივიჩნევდით...



მიღწევებში დიდი წვლილი მიუძღვით ოლიმპიური თამაშების პრიზიორებს — ლერი გოგოლაძეს, გივი ჩიქვანიას, მიხეილ გიორგაძეს (იგი 1982 წლის მსოფლიოს და ევროპის სამგზის ჩემპიონიცაა)...

თესო პერიოდი. „დინამოს“ თამაში ქომაგებს დიდ სიამოვნებას ანიჭებდა. განსაკუთრებით ის წლებია აღსანიშნავი, როცა თბილისში საერთაშორისო ტურნირები იმართებოდა...

© უზუ

„ბრინჯაო“ მსოფლიოდან



რუსულ ყაზანში დამთავრდა უზუს მე-14 მსოფლიოს ჩემპიონატი, რომელშიც წარმატებით იასპარეზა საქართველოს უზუს სანდას წევრმა მანუჩარ კვაშილავამ...

© რჩეული



სოლომონის შეფარება

ერაში და მისი ჩაგდებული თამაშის გახსენება ძნელია. რკინიგზელთა დაცვის ბურჯი განსაკუთრებით გვიმედება დღეს უელსთან შესარჩევ მატჩში...

სამტმბრის საუკეთესო ქართველი ფეხბურთელი სოლომონ კვიციანი გახდა. WORLDSPORT.GE-ს ყოველთვიურ გამოკითხვაში „თქვენ ირჩევთ“ 25 წლის მცველმა ძალიან დიდი უპირატესობით გაიმარჯვა...

© ლეგიონერი

იქნებ, მოგავლის ცენტრია?

18 წლის გოგა ბითაძე სერბეთის ერთ-ერთ ნამყვერ გუნდში შედგეიან თამაშს განაგრძობს. ქართველი ცენტრი უკვე მყარად ჩაჯდა „მეგა ბიმაქსის“ სასტარტო სუთეულში და ყველა მატჩში, რომელშიც მონაწილეობდა, პარტნიორთაგან ერთ-ერთი საუკეთესო იყო...

გიონერებმა განაპირობეს. 32 წლის ტეილორ როჩესტიმ 26 ქულას 6 პასი წაამატა, 29 წლის ჯეიმს ფელდენიმ კი 21 ქულა და 5 მოხსნა იკმარა.



საკმაოდ პრესტიჟული ტურნირის — ადრიატიკის ლიგის მორიგ ტურში „მეგა ბიმაქსი“ ევროლიგის წევრსა და სერბეთის ყველა დროის ერთ-ერთ უძლიერეს გუნდ „ცრვენა ზევზდას“ სტუმრად შეხვდა და 80:90 დამარცხდა.

ბულ გრანდს 10-წლიანი პაუზის მერე დაუბრუნდა და ათ წუთში 10 ქულა ჩააგდო, ამასთან, 3 სამქულიანი გამოიყენა.

© ძიუდო



ტურნირი - ორი, მედალი - ოთხი

შედეგი გაიმეორა. მხოლოდ ფინალური პაექრობები დათმეს და ვერცხლის მედალებს დასჯერდნენ ზურაბ კახნიაშვილი (60) და პაატა ლვინიაშვილი (90).

ბორძალმა ძიუდოსტებმა ჩეჩნეთისა და ყაზახეთის საერთაშორისო ტურნირებში ოთხი მედალი მოიპოვეს. გროზნომ ისაყვის მემორიალს უმასპინძლა. ქართველ ფალავანთაგან მწვრთნელი ანზორ თენაძე) კვარცხლბეგის უმაღლეს საფეხურზე ალექსანდრე ზალიშვილი (100 კგ) ავიდა, რომელმაც პირველ წრეში რუსეთის მოქმედი ჩემპიონი აშხაბ კოსტოვევი დაამარცხა, შემდეგ კიდევ სამ მეტოქეს სძლია და 2015 წლის

ქალაქ აქტობეში ყაზახეთის პრეზიდენტის თასი გუნდურში გათამაშდა. გორის ნაკრებმა (66 კგ-ვანო თოთლაძემ, 73-ტატო ტატულაშვილმა, 81-ანზორ ბიბილაშვილმა, 90-გიორგი პაპუნაშვილმა, მძიმე წონა-ონისე ბულაძემ, მწვრთნელი ნიკო ბიბილაშვილი) სასტარტო ორთაბრძოლა მასპინძელთა პირველ ნაკრებთან დათმო, მერე დამამშვიდებელში ყაზახეთის II ნაკრებს, აზერბაიჯანის და ბელარუსის გუნდებს მოუგო და საბოლოოდ ბრინჯაოს მედალი ერგო.

კეტიანი ენერჯეტიკოსები მხარს უჭერენ კახა კალაძეს



საპარტიველო ენერჯეტიკის ვეტერანთა კავშირმა, რომელიც აერთიანებს 400-მდე ენერჯეტიკის ღვაწლმოსილ მუშაკს, მათ შორის მრავალ ქვეყანაში ცნობილ და გამოჩენილ ენერჯეტიკოსს, ერთხმად გადაწყვიტა, რომ მხარი დაუჭიროს ახლა უკვე ენერჯეტიკის ყოფილ წარმატებულ მინისტრს, ბატონ კახა კალაძეს მინისტრის მხარე არჩევამ.

საქართველოს ვეტერანი ენერჯეტიკოსები ბატონ კახას მინისტრად დანიშვნის პირველივე დღიდან გულდასმით და განსაკუთრებული ყურადღებით აკვირდებოდნენ, თუ კახა, რომელიც არ იყო პროფესიონალი ენერჯეტიკოსი, როგორ გაუძღვებოდა ამ ურთულეს დარგს, ჩვენდა სასიხარულოდ, მან არ გაანზილდა ამ დარგის დი-

დად გამოცდილი მუშაკები. აქ არ შევუდგებით ჩამოთვლას თუ რა გააკეთა ბატონმა კახამ მინისტრობისას, მხოლოდ ერთს აღვნიშნავთ: მისი ხელმძღვანელობით აშენდა 19 დიდი თუ პატარა ელექტროსადგური, მოხდა მრავალი სოფლის თუ დასახლებული პუნქტის გაზიფიცირება და ელექტრიფიკაცია, აშენდა მრავალი ასეული კომლექტი ელექტროგადამცემი ხაზი, ქვესადგური და სხვა ენერჯეტიკის განხორციელება 1 მილიარდ აშშ დოლარზე მეტი ინვესტიცია.

მაგრამ ჩვენთვის განსაკუთრებით ალსანიშნავია, რომ ბატონმა კახამ დღიდან დანიშნვისა, ენერჯეტიკის ვეტერანები სადმი დიდი გულისხმიერება გამოიჩინა - მისი თაოსნობით

ენერჯეტიკის ვეტერანებისთვის ჩამოყალიბდა დახმარების და ყურადღების ისეთი მექანიზმი, რამაც დღემდე უზრუნველყო ამ უპირველესი დარგის ღვაწლმოსილი მუშაკებისთვის ყოველმხრივ სტაბილური ყურადღება ენერჯეტიკის დარგის ახალი თაობის ხელმძღვანელებისაგან, და ასეთი მიდგომები, ალბათ, დიდხანს გაგარძელებს, რაც ვეტერანებს მომავალშიც შეუმსუბუქებს ცხოვრებას, ყოფას, ფსიქოლოგიურ განწყობას.

ბატონი კახა ხშირად ესწრებოდა ვეტერანთა საიუბილეო თუ სხვა სახეობის ღონისძიებებს, თითქმის ყოველთვის აჯილდოვებდა იუბილარებს სოლიდური თანხებით საკუთარი სახსრებიდან, ამავე დროს აგრეთვე განსაკუთრებულ ყურადღებას უთმობდა ახალგაზრდა ენერჯეტიკოსებს - ვეტერანი იუბილარების შესვენებებზე ესწრებოდა ხოლმე ტექნიკური უნივერსიტეტის ენერჯეტიკის ფაკულტეტის 4-5 ნარჩინებული სტუდენტს, რომლებსაც ბატონი კახა პირადად აჯილდოვებდა ფასიანი საჩუქრით და სიგელით, რაც, დავეთანხმებით, უდიდესი სტიმული იყო მომავალი ენერჯეტიკოსებისთვის.

იმედი გვაქვს, რომ მისი ოპერატიულობა, სხარტი გონება და ბუნებრივი ნიჭი, დედაქალაქის მერობის მატთან ერთად ერთ-ერთი გამორჩეული ფურცელი იქნება.

საპარტიველო ენერჯეტიკის ვეტერანთა კავშირი

ქმის განზრახ მკვლელობაში ბრალდებაზე 10 წელი მიუსაჯეს

ქუთაისის ნაფიც მსაჯულთა სასამართლომ სრულად გაიზიარა პროკურატურის მიერ წარდგენილი მტკიცებულებები და ქმის განზრახ მკვლელობაში ბრალდებული გ.გ. დამნაშავედ ცნო სისხლის სამართლის კოდექსის 108-ე მუხლით.



პროკურატურის განმარტებით, სასამართლო სხდომებზე ბრალდების მხარე ბრალდებულის მიერ ჩადენილი დანაშაულის დამადასტურებელი მტკიცებულებები გამოიკვლია. დაიკითხა ათობით მონაწილე, გამოკვლეული იქნა დოკუმენტური და ნივთიერი მტკიცებულებები, მათ შორის მკვლელობის იარაღი - გ.გ.-ს კუთვნილი სანადირო თოფი.

სასამართლო პროცესზე გამოკვლეული მტკიცებულებებით დადასტურდა, რომ 2017 წლის 8 იანვარს, საღამოს საათებში, ალკოჰოლური თრობის ქვეშ მყოფმა გ.გ.-მ შელაპარაკების ნიადაგზე საკუთარ სახლში სანადირო თოფიდან ესროლა ქმის - კ.გ.-ს და შემთხვევის ადგილიდან მიიმალა. მიღებული ჭრილობის შედეგად კ.გ. ადგილზე გარდაიცვალა.

ნაფიცი მსაჯულების მიერ მიღებული გამამტყუნებელი ვერდიქტის საფუძველზე სასამართლომ გ.გ. დამნაშავედ ცნო წარდგენილ ბრალდებაში და სასჯელის სახედ და ზომად თავისუფლების აღკვეთა 10 წლის ვადით განუსაზღვრა.

თელავი-გურჯაანის ავტომაგისტრალზე ავტომობილი ჩამდინავიერზე ამოჭრილდა

ავტოსაბზანო შემთხვევა თელავი-გურჯაანის ავტომაგისტრალზე - სოფელ ნასამხრალში ავტომობილი სავალი ნაწილიდან გადავიდა და რამდენჯერმე ამოჭრილდა.

მანქანის მძღოლი მსუბუქად დაშავდა. თვითმხილველების ინფორმაციით, ავტომანქანა მაღალი სიჩქარით მოძრაობდა, რა დროსაც მძღოლმა საჭე ვერ დაიმორჩილა და გზიდან გადავიარდა. პოლიციამ იგი ადმინისტრაციული წესით დააჯარიმა.

იბალიაში ქარხნის ბრალდებით ქართული მამაკაცი დააკავეს



იბალიაში, 43 წლის ქართველი მამაკაცი, რომელიც რამდენჯერმე იყო ნასამართლევი, ძარცვის ბრალდებით დააკავეს.

ის შინაპატიმრობაში იმყოფება. პოლიციის ინფორმაციით, მან სუპერმარკეტში სხვადასხვა სექციიდან პროდუქტები მოიპარა და თანხის გადახდის გარეშე აპირებდა გასვლას.

დაკავებულს 4 თვით პატიმრობა მიესაჯა.

უსს-მ განსაკუთრებით დიდი ოდენობით ჰეროინი ამოიღო

შინაბან საქმეთა სამინისტროს ქვემო ქართლის პოლიციის დეპარტამენტის მარნეულის რაიონული სამმართველოს თანამშრომლებმა, ოპერატიული ინფორმაციის საფუძველზე ჩატარებული საგამოძიებო მოქმედებების შედეგად, 1962 წელს დაბადებული კ.ა. განსაკუთრებით დიდი ოდენობით ნარკოტიკული საშუალების უკანონო შექმნა-შენახვის ბრალდებით, მარნეულის რაიონის სოფელ კირაჩქულანლოში დააკავეს.

სამართალდამცველებმა ბრალდებულის პირადი ჩხრევისას ნივთმტკიცებად ამოიღეს პოლიეთილენის პარკში შეფუთული 18,2484 გრამი ნარკოტიკული საშუალება, რომელიც 2,2815 გრამ ჰეროინს შეიცავს.

დაკავებული ჩადენილ დანაშაულს აღიარებს. გამოძიება განსაკუთრებით დიდი ოდენობით ნარკოტიკული საშუალების უკანონო შექმნა-შენახვის ფაქტზე მიმდინარეობს (საქართველოს სსკ-ს 260-ე მუხლის მე-6 ნაწილის „ა“ ქვეპუნქტით).

პოლიციის დაჭრილი თანამშრომელი საავადმყოფოში გარდაიცვალა

უსს-ს მომსახურების სააგენტოს ადმინისტრაციის ორგანიზაციული უზრუნველყოფის სამმართველოს უფროსი ზურაბ ტაკიძე რესპუბლიკურ საავადმყოფოში გარდაიცვალა. ამის შესახებ „ჯი-ეიჩ-ენ-ს“ შსს-ში განუცხადეს.

შეგახსენებთ, რომ ზურაბ ტაკიძე 25 სექტემბერს შარტავას ქუჩაზე საკუთარი სახლის სადარბაზოში ცეცხლსასროლი იარაღით დაჭრილი მებობელმა იპოვა. ის საავადმყოფოში მძიმე მდგომარეობაში მიიყვანეს, ტაკიძე რამდენიმე დღის განმავლობაში აპარატზე იყო შეერთებული.

მომხდარზე გამოძიება სსკ-ის 115-ე, თვითმკვლელობამდე მიყვანის მუხლით მიმდინარეობს.

საქართველოს რეგიონალური განვითარებისა და ინფრასტრუქტურის სამინისტროს გამგებლობაში არსებული სახელმწიფო საკუთრება დაწესებულება - საავტომობილო გზების დეპარტამენტი (შემდგომში - დეპარტამენტი) ახორციელებს ბათუმის შემოგლითი გზის კმ-1+000 - კმ 13+325 მონაკვეთის მშენებლობის პროექტს (შემდგომში - პროექტი).

პროექტის ზემოქმედების ქვეშ მოქცევა მოქალაქე დავით სამნიძის (პ/ნ 61006011838) საკუთრებაში არსებული უძრავი ქონება ს/კ 05.35.28.375 (მის: ქ. ბათუმი, ფრიდონ ხალვაშის გამზირი N234/392) 836 კვმ მიწის ნაკვეთი, მასზე არსებული შენობა/ნაგებობები და ნარგავები.

დეპარტამენტის მხრიდან წარმოდებული მოლაპარაკებების მიუხედავად, მოქალაქე დავით სამნიძის (პ/ნ 61006011838) ვერ იქნა მიღწეული შეთანხმება უძრავი ქონების (ს/კ 05.35.28.375) - მთლიან 836 კვმ-ის მორიგებით გამოსყიდვის თაობაზე. მედიაციის რესურსის ამოწურვის შემდეგ, აღნიშნული უძრავი ქონების შესაკუთრეს დამატებით, წერილობით ეცნობა განსახორციელებელი პროექტის მნიშვნელობის თაობაზე და მიეცა პროექტის ფარგლებში მოქცეული საკუთრების ნებაყოფლობით გასხვისების წინადადება, პროექტის ფარგლებში შედგენილი მიწის შესყიდვის და განსახლების გეგმით განსაზღვრული ღირებულების სანაცვლოდ. შესაკუთრებ ინფორმირებული იყო, რომ შეთანხმების მიუღწევლობის შემთხვევაში, დეპარტამენტი იმოქმედებდა აუცილებელი საზოგადოებრივი საჭიროებისათვის საკუთრების ჩამორთმევის წესის შესახებ საქართველოს კანონის (შემდგომში - კანონი) შესა-

აბამისად, რაც ითვალისწინებს აუცილებელი საზოგადოებრივი საჭიროებისათვის ქონების ჩამორთმევას.

აღნიშნული გარემოებების გათვალისწინებით და კანონის დანაწესების შესაბამისად, დეპარტამენტმა დაიწყო ექსპროპრიაციის პროცედურები.

„აუცილებელი საზოგადოებრივი საჭიროებისათვის საქართველოს რეგიონული განვითარებისა და ინფრასტრუქტურის სამინისტროს გამგებლობაში არსებული სახელმწიფო საკუთრება დაწესებულების - საქართველოს საავტომობილო გზების დეპარტამენტისათვის ექსპროპრიაციის უფლების მინიჭების თაობაზე“ საქართველოს ეკონომიკისა და მდგრადი განვითარების მინისტრის 2017 წლის 2 ოქტომბრის № 1-1/423 ბრძანებით, დეპარტამენტს მიენიჭა ექსპროპრიაციის უფლება ქალაქ ბათუმში, ფრიდონ ხალვაშის გამზირი N234/392-ში მდებარე, შესაკუთრის დავით სამნიძის (პ/ნ 61006011838) არასასოფლო - სამეურნეო დანიშნულების მიწის ნაკვეთის (ს/კ 05.35.28.375), მთლიან 836 კვმ ფართობზე, მასზე არსებული შენობა/ნაგებობასა და ნარგავებზე. ბრძანება გამოქვეყნებულია საქართველოს საკანონმდებლო მაცნეს ოფიციალურ ვებგვერდზე.

დეპარტამენტი, უახლოეს მომავალში მიმართავს სასამართლოს, დავით სამნიძის (პ/ნ 61006011838) საკუთრებაში არსებული არასასოფლო - სამეურნეო დანიშნულების მიწის ნაკვეთის (ს/კ 05.35.28.375) მთლიან 836 კვმ ფართობზე, მასზე არსებული შენობა/ნაგებობასა და ნარგავებზე ექსპროპრიაციის უფლების მოპოვების მიზნით.

წლეულს ტურისტთა რაოდენობა 28,8%-ით გაიზარდა

მიმდინარე წლის იანვარ-სექტემბრის ინტერვალში, ქვეყანაში უკვე 5 822 835 ვიზიტი განხორციელდა, რაც 19,2%-ით მეტია 2016 წლის ანალოგიური საანგარიშო პერიოდის მაჩვენებელზე, ხოლო ტურისტული ვიზიტი 2 783 594-ით განისაზღვრა, რაც 2016 წლის იგივე პერიოდის მაჩვენებელზე 28,8%-ით მეტია.



მიმდინარე წლის სექტემბრის თვეში 763 729 ვიზიტი განისაზღვრა, რაც 2016 წლის იგივე პერიოდის მაჩვენებელზე 20,9%-ით მეტია.

ამის შესახებ მონაცემებს შინაგან საქმეთა სამინისტროს საინფორმაციო-ანალიტიკური დეპარტამენტი ავრცელებს. შემოღებული პირობითი დაყოფის მიხედვით, 2017 წლის სექტემბერში ხვედრითი წილის ურთიერთმიმართება შემდეგია:

- ა) ტურისტი - 380 895 ვიზიტი (საერთო რაოდენობის 49,9%, მატება წინა წლის ანალოგიურ მაჩვენებელთან 24,8%);
- ბ) ტრანზიტი - 182 356 ვიზიტი (საერთო რაოდენობის 23,9%, მატება წინა წლის ანალოგიურ მაჩვენებელთან 22,6%);
- გ) სხვა - 200 478 ვიზიტი (საერთო რაოდენობის 26,2%, მატება წინა წლის ანალოგიურ მაჩვენებელთან 12,7%).

მიმდინარე წლის სექტემბერშიც ყველაზე მეტი ვიზიტი კვლავ რუსეთიდან ((32%), აზერბაიჯანიდან ((15,6%), სომხეთიდან ((11,8%), თურქეთიდან ((10,5%), უკრაინიდან ((0,2%) და ირანიდან ((80%) განხორციელდა. ასევე, პოზიტიური ტენდენცია ნარჩუნდება ევროკავშირის ქვეყნების მიმართულებიდან, საიდანაც საქართველოში ჩამოსვლების რაოდენობის ზრდის კუთხით, იანვარ-სექტემბერშიც გამოირჩნენ დიდი ბრიტანეთი, გერმანია, საფრანგეთი, პოლონეთი, ლიტვა და იტალია (შესაბამისად 33%, 32%, 29%, 21%, 18%, და 16%), ახლო აღმოსავლეთიდან - ისრაელი (35%), შუა აზიის ქვეყნებიდან - ყაზახეთი (17%), უზბეკეთი (93%). აღმოსავლეთ ევროპის ქვეყნებიდან - ბელორუსია (30%). აქვე აღსანიშნავია ამერიკის შეერთებული შტატების მოქალაქეების 26%-იანი ზრდა.

თუ დაქორწინებას გეგმათ, ჟირაფი დაგხმარებთ...

აშშ-ს შტატში მცხოვრებმა მამაკაცმა კოდი ჰოლმა საყვარელ ქალბატონს ცოლობა ძალზედ ორიგინალურად სთხოვა.

იგი წინასწარ შეუთანხმდა ზოოპარკში ჟირაფის მომვლელებს, რომ ცხოველის დახმარებით სურდა მისი გულისსწორისთვის ხელი ეთხოვა.

ცერემონიის მთავარ გამორს, საქორწილო ბეჭედი წინასწარ ჩამოკიდეს კისერზე. როცა წყვილი ზოოპარკში სასაქონლოდ მივიდა, ჰოლმა თავის მენეჯერს შესთავაზა ჟირაფი დაეპურებინათ. სწორედ ამ დროს, საყვარელმა ცხოველმა კისერი დასწია და მომავალმა პატარა ძალიან მისთვის განკუთვნილი სამკაული შეამჩნია. გოგონა მაშინვე დათანხმდა კრეატიულ მიჯნურს. ისინი ამბობენ, რომ ჟირაფი სახელად, „მილი“ მათ ქორწილში პირველი საპატიო სტუმარი უნდა იყოს.



ყველაზე ბინძური

ამერიკის შეერთებულ შტატებში ჩატარებული გამოკვლევის შედეგად დადგინდა, რომ მაღალი უნაზი ყველაზე დაბინძურებული კენკრაა მარწყვი.

ტესტირებამ აჩვენა, რომ გამოკვლეული ბოსტნეულის, ხილისა და კენკრის 70 პროცენტი სოფლის მეურნეობაში გამოყენებადი ქიმიკატებიდან რომელიმე ერთერთით მაინცაა დაბინძურებული.

ყველაზე მეტი პესტიციდი კი მარწყვი ალმონდა. „დაბინძურების“ მხრივ, ლიდერი არის ასევე ვაშლი და პომიდორი, ყველაზე სუფთა კი ამ მხრივ არის - კომბოსტო, ხახვი და სიმინდი.

ისევ ერთკაციანი ოთახი სჯობს...

თუკი ოფისის რომელიმე ოთახში ექვსი და მეტი თანამშრომელი მუშაობს, თითოეული მათგანის ავად განდობის ალბათობა 60 პროცენტით იზრდება.

თანაც ამ შემთხვევაში ლაპარაკია არა მხოლოდ პაუზ-რევეთოვანი გზით გადაადგილდა დაავადებებზე, აღმოჩნდა, რომ ასეთ საღებავთა ოთახში მომუშავეებში სტრესის დონე, რომელიც იმუნური სისტემის მუშაობას თრგუნავს, გაცილებით მაღალია იმათთან შედარებით, ვინც ცალკე კაბინეტში მუშაობს.



ბილეთების შეკენის დრო

მას შემდეგ, რაც ავიაბილეთების შეძენა გამგზავრებამდე საკმაოდ დიდ ხნით გახდა შესაძლებელი, დაკვირვებულმა ხალხმა დაადგინა, რომ გარკვეულ დროს შეიძლება მათი ბევრად ხელსაყრელ ფასად ყიდვა.



თუმცა გარკვეული ნიუანსები ამაშიც არის, მაგალითად, ზოგჯერ ავიაბილეთის ყიდვა ადრე კი არა, გაფრენის თარიღთან უფრო ახლოს გაცილებით მომგებიანია. თუმცა კი ისიცაა, რომ ასეთი ხელსაყრელი მიმართულებების წინასწარ განსაზღვრა ძალიან ძნელი საქმეა.

ამასთან, სპეციალისტები აცხადებენ, რომ ყველაზე იაფიანი ავიაბილეთების ყიდვა, საშუალოდ, გაფრენამდე 56 დღით ადრეა შესაძლებელი, რა დროსაც ეკონომია დაახლოებით 30 პროცენტამდეა. გარდა ავიაბილეთის ყიდვის ოპტიმალური პერიოდისა, საჭიროა ასევე გაფრენის დღის გათვალისწინებაც. ყველაზე დაბალი ტარიფები სამშაბათობით მოქმედებენ, ყველაზე ძვირი ბილეთები კი შაბათობითაა. სხვაობა ფასებს შორის 10 პროცენტს აღემატება.

საქართველოს
რესპუბლიკა
**SAKARTVELOS
RESPUBLIKA**
სულხან-საბას ძე №3

მთავარი რედაქტორი
სპარტაკ ძოგულია
293-13-34
599 36-00-35

პასუხისმგებელი რედაქტორები:
გურამ გომიასვილი
599 53-76-16;
ალეკო
ასლანიშვილი
599 56-81-86;

პასუხისმგებელი მდივანი
მამუკა ვაშაკიძე
514 33-33-24

გამომცემლობა:
შპს „თანამედროვე“-ს განუხორციელებს
„საქართველოს რესპუბლიკის“
გამომცემლობა
ტ: 599 79-76-79
შპს „ახალი საუკუნე“

იბეჭდება გამომცემლობა
„კოლორ პრესი“
რკინიგზის ჩიხი №20

uaec(უაეკ)070.4(479.22)
ს-323
ISSN 2233-3851

9 772 233 385 001

**ავტორთა
საყვარელად!**

რედაქციის ვიარ
შეუკვეთავი გასალაგის
დაიბეჭდება ავტორ-
თა ხარჯით.
ავტორთა მოსაზრებებზე,
შესაძლება, გულად
არ ეთმობოდეს
რედაქციის პოზიციას.
ფაქტების სიზუსტეზე
პასუხს ატვირთავს
ავტორები.

„საქართველოს
რესპუბლიკა“
შენი გაზეთია,
უსილულად
წაიკითხე!

განსაცინებელი ა(მ)ბები

ტაქტი და შეჯიბვრა

ცნობილ ინგლისელ მსახიობ ქალს ამერიკელი ჟურნალისტი ეწვია. მსახიობთან საუბრის დროს, ჩვეულებისამებრ, მან ორივე ფეხი მაგიდაზე დააწყო. ჟურნალისტმა მსახიობს სახეზე გაკვირვება რომ შეატყუო, თავის მართლება ლულულად სცადა.

— არა უშავს რა, არა უშავს რა! — თქვა მსახიობმა ქალმა. — ნუ გრცხვენიათ, თავი ისე იგრძენით, ვითომ თქვენს სახლში ხართ, თუ გინდათ, ოთხივე ფეხი დააწყვეთ მაგიდაზე.

აკონოხია

შვილებს გოგო შეიყვარა და მამას მისწერა:

„მამიკო, ათი შილინგი გამომიგზავნე, შეყვარებულთან ერთად ფოტოს გადავიღებ და გამოგიგზავნი“.

მამამ პასუხი მისწერა: „გიგზავნი 5 შილინგს, გოგოს ფოტო გამოგიგზავნე, შენ ისედაც კარგად გიცნობ“.

მილიონაირის სოლი

ტიხახალა მილიონერი საფრანგეთიდან შინ ბრუნდება.

— ვიცო, გაგიხარდება, — ეუბნება მილიონერი ცოლს. — პარიზში ჩინებული რუბენსი ვიყიდე.

— მართლა გამხარავს — შეჭყვიერა ცოლმა. — ნეტავი რამდენი ცხენის ძალა აქვს?

მისტიკარ ბრაუნის ვაჟიშვილი

ათი წლის წინათ ჩემი ვაჟი შორეულ დასავლეთში წავიდა, რათა ფული ეშოვა და გამდიდრებულიყო.

— მერე რა ქნა, იშოვა ფული?
— ზუსტად არ ვიცი, მაგრამ

ახლახან გაზეთები წერდნენ, რომ ხელისუფლებამ ათი ათასი დაანწესა ჯილდოდ, ვინც იმას დაიჭერს.

უმუშევარი

ბარსელონაში ორი უმუშევარი ხვდება ერთმანეთს და ერთი უმუშევარი მეორეს გახარებული ეუბნება: — ერთ-ერთ დღევანდელ გაზეთში ფრანკოს გამოსვლა დაბეჭდილი და იცი, რას წერს? ექვს წელიწადში არც ერთი უმუშევარი არ გვეყოლება.


— სწორია რომელი უმუშევარი გაძლებს კიდევ 6 წელიწადს.

ილგალი

ნიუ-იორკის დეპარტამენტში ჩინოვნიკის მაგიდასთან მთხოველი დგას.

— თქვენ იღბალი გქონიათ, — ეუბნება ჩინოვნიკი, — მე მხოლოდ ყოველ მეთერთმეტე საქმეს განვიხილავ. დღეს უკვე ათი მთხოველი მივიღე და ათივე გავაბრუნე.

— მართალი ბრძანდებით, — უდასტურებს მთხოველი. — სწორს მეუბნებით, ის მეათე მე გახლდით.



სკ

რედაქციის მისამართი:
საქართველო, თბილისი
საქართველოს რესპუბლიკის
საქართველოს რესპუბლიკის
გამომცემლობა „საქართველო“
სტამბის მისამართი:
საქართველო, თბილისი
საქართველოს რესპუბლიკის
საქართველოს რესპუბლიკის
გამომცემლობა „საქართველო“

**ავტორთა
საყვარელად!**

რედაქციის ვიარ
შეუკვეთავი გასალაგის
დაიბეჭდება ავტორ-
თა ხარჯით.
ავტორთა მოსაზრებებზე,
შესაძლება, გულად
არ ეთმობოდეს
რედაქციის პოზიციას.
ფაქტების სიზუსტეზე
პასუხს ატვირთავს
ავტორები.

დაგვიკავიანო, მოგვანათო:

ტელ: 293-13-34,
599-79-76-79
ელ. ფოსტა: sakresp@mail.ru
და sakresp@top.ge